



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 45. Joannes Montesonius condemnatur.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV.

A. C. 1388.

*to. II. conc.**p. 2068.**Sup. lib. 92.**§. 65. c. 1.**c. 2. 7.**c. 5.**c. 6.*

Palentiæ quadam Castiliæ urbe in templo Fratrum Minorum habuit concilium, cui aderant Rex Joannes I, Archiepiscopi Toleti, Compostellæ, ac Hispalis, & Episcopi viginti quinque. Edebantur ibi septem canones, quorum duo commendant observationem concilii Vallisoletani an 1322 habiti. Admonentur Episcopi, cæterique Judices ecclesiastici, ut Clericos ex præscripto canonum emendent. Renovantur pœnæ irrogatæ adulteris, Clericisque concubinas habentibus: sed non occupantur remedia his flagitiis arcendis opportuna. Prohibetur, ne bona Ecclesiæ alienentur, onerenturve prædicatoris obligationibus. Judæis, Maurisque inter Christianos habitantibus præscribitur disciplina civilis, præsertim pro festorum observatione. Hi canones promulgati sunt 4 Octobris anno 1388.

§. XLV.

Joannes Montesonius condemnatur.

Avenione continuabatur actio in Joannem Montesonium: & Universitas Parisina, ut publicam totius rei notitiam daret omnibus, circummisit litteras datas 14 Febr. anno 1387, nempe 1388 ante Pascha. Clemens cognitores decrevit tres Cardinales, Guidonem Malesecum Prænestinum Episcopum, duosque Presbyteros.

*Duboulai**to. 4 p. 621.**Vitæ PP.**to. 2. p. 997.*

byteros Leonardum Geophanium de S. Sixto, & Amelinum Lautricensem de S. Eusebio. Post multas Universitatis propositiones postulationesque Cardinalis Ebredunensis Joanni Montefonio Papæ nomine interdixit, ne ante decisam causam Curiae Romanæ, scilicet Avenionensi se subduceret, alioquin habendus pro convicto criminis, de quo esset quæstio.

Aufugisse tamen hominem ut audiit Clemens, designatos Cardinales in eum animadvertere iussit, quamvis tunc agerentur mensis Augusti feriæ. Igitur in diversorium Avenionense, ubi diu fuerat, miserunt, qui de illo quærerent: & hospita respondit eum ibi habitasse plus tribus mensibus, ac tertio Augusti abiisse. Tum Cognitores ædis cathedralis, ac Dominicanorum templi portis affigendum curabant mandatum, ut ille se ipsum sifteret Auditori pontificio. Post desertum sæpius vadimonium damnatus contumaciæ, ac piorum cœtu motus est per Cognitorum sententiam scriptam Avenione die Mercurii 27 Jan. 1389.

Decimo septimo Februarii eodem anno in Parisina regia (Lupara vocatur) habitus est conventus magnus, cui intererant Rex Carolus VI, Ludovicus Dux Borbonius, Oliverius Clichonius summus rei bellicæ in Gallia Præfectus, multique Proceres alii, Bertrandus etiam Turrius Lin-

Sæcul. XIV.
A. C. 1389.

p. 1000.

p. 1004.

Duboulay
to. 4. p. 633.

Lin-

Sæcul. XIV.
A C. 1389.

Lingonarum, & Philippus Molinensis Novioduni Episcopi, Regisque Consiliarii. Ibi Rector Universitatis, qui Procuratores quatuor nationum adduxerat, Regi per os Petri Aillii dicebat se venisse, ut Guilielmus Valenius Dominicanus Episcopus Ebroicensis ac Regis conscientie Arbiter de quibusdam propositionibus, quæ fidem contingerent, & quas protulisset antea, nunc ipse responderet. Et quia Guilielmus aderat, eum orabat Petrus, ut illas propositiones ex promisso revocaret.

Episcopus de scripto, quod tenebat manu, lingua Latina, & contenta voce legebat quinque puncta suam retractationem continentia: tum Gallice addebat: Theologicæ Facultatis sententiam contra quatuordecim propositiones Joannis Montesonii dictam, & ab Universitate sicut etiam a Domino Episcopo Parisino approbatam vidi, & consideravi. Credo bonam, justamque; ac juro, me nec publice, nec secreto traditurum doctrinam contrariam, neque huic Dominicano, aut ejus sectatoribus ullo modo fauturum, salva authoritate sancti Patris nostri Papæ. Flexis deinde genibus rogabat Regem, ut Papæ, ac Regi Arragonum scriberet, ut fratrem Joannem Montesonium capi, & Parisios duci juberent ex meritis puniendum.

Ana-

Anathematis sententia ob detrecta-^{saecul. XIV.}
 tionem iudicii Avenione hunc in fratrem ^{A.C. 1389.}
 lata petente Universitate Parisiis in foro ^{Vita PP.}
 iudicis ecclesiastici promulgata fuit ^{to. 2. p. 1008.}
 Martii an. 1389 seu 1390 ante Pascha.
 Interim frater Joannes in Arragoniam ^{to. 1. p. 1375.}
 patriam suam, & inde Romam ad Papam
 Urbanum se recepit; quem esse Papam
 legitimum demonstravit Clementinorum ^{Rayn. 1389.}
 argumenta confutans insigni opere, quod ^{n. 15. 16. &c.}
 anno 1389 Aquis Sextiis in Provincia
 composuit.

Magnam ea res ærumnam toti Domi-^{to. 1. p. 321.}
 nicanorum Ordini accivit in Francia, ma-
 xime in hujus parte ad septem triones si-
 ta. Multi ex istis Fratribus in carceres
 missi: reliquis denegata stips & dona;
 adempta facultas concionandi, dandique
 operam confitentibus de se reis. Uni-
 versitas illos prorsus a se disjunctos non
 admisit ad scholasticos actus, gradusque
 ac honores. Magnam bonorum, ac exi-
 stimationis jacturam accipientes vulgi fa-
 bula siebant, quod eos contemptim vo-
 cabat ululas. Multos hæc annos tem-
 pestas tenuit: quam qui alebant, sacri-
 ficium SS. Virgini facere se putabant:
 tanta jam tum authoritate valebat opi-
 nio de illibato ejus conceptu.